

[12.] Ouch haben sye vnsern hern irn man vortrieben, Albrecht Tossin vnde syn soyn geuangen vnde beschaczt vnde haben vem syne gut vorbrant in dreem dorffern, da ist by gewest Peter Phaffe, Geylstorff vnde Ditherich Wuticz. Ouch haben sye vnsern hern zweene man geuangen von Lantwst in der svne¹⁾ vnde haben dy vorburget vor zween schog nuerer gr., das ist gescheen von Waltsteyn ues vnde in.

[13.] Daz synt dy uff schaczunge gedrunge synt syder der berichtunge²⁾: Nikel Tosse uff XXVI schog, Vroelich von Oelsenicz XX schog, den mulner von Moeldorff VI schog vnde eyn schog kostgeld, der Hoppertueczel drye schog. Ouch haben sy zewene von Landwest vorburget vor X schog vnde haben dy gewut³⁾ vnde ire cleyder genomen, daz ist gescheen von Waldsteyn ues unde yn.

[14.] Daz sint des Reussen schulde. Zcum erst gebe ich schult den vom Hoff den burgern, daz dy wysentlich gefurdert⁴⁾ haben Jan Vaseman, dy Kossicz vnde andere myne vyende, dy mich beschediget haben vnde dy myn, vnde haben den zcu essene vnde zcu trinken gegeben.

[15.] Ouch Jan Vaseman hat gefangen vnde genomen dem Tacherer syne habe, daz ist gescheen vom Hoff vnde wedir daryn. Ouch Jan Vaseman hat beschaczt den Tacherer in syner herberge zcum Hoff vnde andere ouch von Hirsuelte. Ouch gebe ich schult Heinrich von Koczczowe, das sy der geleyt hat in dy stat zcum Hoffe uff myn schaden vnde beschedygunge. Ouch haben dy von Monicheberg myne vynde gefurdert vnde gespeist off myn schaden. Ouch habe ich dy selbe schult zcu den von der Wyssenstat. Ouch schuldige wir ern Heinrich Wolfstrigel vnde ern Otten [Wolfstrigel] vnde dy Vaseman, daz dy vnser vynde gefurdert vnde gespist haben zcum Schowensteyn ues deme huss vnde in der stat uff vnsern schaden. Ouch schuldige wir den Swarczen Rabensteyner, daz der vnser vynde gefurdert hat vnde syne habe vnde syne knecht zcu vnserm schaden gelegen⁵⁾ hat, daz wir geroubet synt. Ouch hat er vnsern lueten zcu Smoeln globt, ire habe wedir zcu gebene vnde hat dez nicht getan. Ouch schuldige wir dy von Gutenberg, daz dy vnser besessene man Cunrad Rotmunt, Peter Tossin vnde syne helfer beschediget haben mit roube vnde mit brande uff hundert schog ane⁶⁾ schult

¹⁾ sone = Sühne.

²⁾ berichtunge = die Berichtigung, der Ausgleich der Sache.

³⁾ gewut ist wohl gewunt, verwundet.

⁴⁾ gefurdert = gefördert, begünstigt.

⁵⁾ gelegen = geliehen.

⁶⁾ ane = ohne.